



Broj: 05-04-20-2685-8/23
Datum: 26.09.2023.godine

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14 i 59/22), i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa žalbom ponuđača „Geo put“ d.o.o. Maglaj od 25.09.2023.godine, u postupku javne nabavke „Sanacija, rekonstrukcija i izgradnja lokalnih puteva, gradskih ulica i trotoara i sl. i isporuka materijala na području općine Maglaj“, Općinski načelnik, d o n o s i

ODLUKU

o stavljanju van snage Odluke broj: 05-04-20-2685-6/23 od 19.09.2023.godine

I

Ovom Odlukom stavlja se van snage Odluka broj: 05-04-20-2685-6/23 od 19.09.2023.godine i stavlja se van snage Odluka o izboru najpovoljnijeg ponuđača broj: 05-04-20-2685-4/23 od 06.09.2023.godine donesene u otvorenom postupku za dodjelu ugovora za nabavku radova na Sanaciji, rekonstrukciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj.

II

Donosi se Odluka o izboru najpovoljnijeg ponuđača i ugovor za nabavku radova na Sanaciji, rekonstrukciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj, dodjeljuje se ponuđaču „Hajdić“ d.o.o. Maglaj, u skladu sa ponudom broj 33/23 od 23.08.2023. godine, po ukupnoj cijeni od iznosu od **473.398,00 KM bez PDV-a, odnosno iznosu 553.875,66 KM sa PDV-om.**

III

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

U otvorenom postupku za dodjelu ugovora o nabavci radova „Sanacija, rekonstrukcija i izgradnja lokalnih puteva, gradskih ulica i trotoara i sl. i isporuka materijala na području općine Maglaj,“ koji je objavljen na portalu javnih nabavki Obavještenje o nabavci broj: 1140-1-3-97-3-47/23 od 01.08.2023. godine i „Službenom glasniku BiH“ broj 54/23 od 04.08.2023.godine, donesena je Odluka o izboru najpovoljnijeg ponuđača broj: 05-04-20-2685-4/23 od 06.09.2023.godine.

Protiv navedene Odluke blagovremeno je izjavio žalbu ponuđač „Geo put“ d.o.o. Maglaj od 13.09.2023.godine, koja je zaprimljena u Općinu Maglaja dana 15.09.2023.godine. Po navedenoj žalbi ugovorni organ je donio Odluku o stavljanju van snage Odluke o izboru najpovoljnijeg ponuđača broj:05-04-20-2685-4/23 od 06.09.2023.godine, broj 05-04-20-2685-6/23 od 19.09.2023.godine.

Na navedenu odluku ponuđač „Geo put“ d.o.o. Maglaj je blagovremeno uložio žalbu dana 25.09.2023.godine.

Postupajući po navedenoj žalbi, ponovnim uvidom u Zapisnik o pregledu i ocjeni ponuda, od 19.09.2023.godine i to u dio koji se odnosi na ispravku računске greške da je isti potpuno

izostavljen u novom zapisniku, te uzimajući u obzir navode iz ranije žalbe a koji se odnose na tabelarni prikaz „TRAŽENO - DOSTAVLJENO“, utvrđeno je da su žalbeni navodi, osnovani.

Naime, došlo je do štamparske greške koja je ispravljena u Zapisniku Komisije o pregledu i ocjeni ponuda od 26.09.2023.godine te je u tabelu TRAŽENO stavak 3, unesen iznos 500.000,00 KM, kolika je procjenjena vrijednost javne nabavke.

Dakle svi ponuđači su dostavili spisak ugovora izvršenih u posljednje dvije godine sa potvrdom druge ugovorne strane (obična kopija) koji su odgovarali iznosu koji je naveden u tenderskoj dokumentaciji, tako da je očigledno da se radilo o štamparskoj grešci.

Komisija je shodno kriterijima iz tenderske dokumentacije utvrdila da sve ponude ispunjavaju uslove koji su utvrđeni u tenderskoj dokumentaciji (4.1.1. Sadržaj ponude) tako da nijedan ponuđač nije isključen zbog neispunjavanja uslova za kvalifikaciju i iste ocjenila prihvatljivim u pogledu oblika i potpunosti.

Komisija je pregledala način pribavljanja saglasnosti na ispravku računске greške i dokaze koji čine sastavni dio zapisnika i konstatovala je da je Zahtjev za ispravku računске greške dostavljen ponuđačima „Dobojputevi“ d.d. Doboj Jug i „Hajdić“ d.o.o. Maglaj. Ponuđaču „Dobojputevi“ d.d. Doboj Jug upućen je zahtjev za prihvatanje ispravke računске greške, 05-04-20-2685-2/23 od 28.08.2023.godine putem maila dana 29.08.2023.godine u 15,16 sati. Ponuđač je blagovremeno prihvatio ispravku računске greške dopisom dostavljenim mailom od 30.08.2023. godine u 8,27 sati.

Ponuđaču „Hajdić“ d.o.o. Maglaj, upućen je zahtjev za prihvatanje ispravke računске greške broj: 05-04-20-2685-3/23 od 28.08.2023.godine, takođe dana 29.08.2023.godine u 15,21 sati. Obzirom da je bila greška u zahtjevu ista je ispravljena i ispravljeni zahtjev je poslan 30.08.2023.godine 8,14 sati, nakon čega je Ponuđač blagovremeno aktom broj 10-4/23 od 30.08.2023.godine u 8,17 sati, prihvatio ispravku računске greške. Cjelokupna korespodencija je sastavni dio ovog Zapisnika.

Dakle, sve je urađeno u skladu sa tačkom 4.6. stav (3) Tenderske dokumentacije, Ispravka grešaka i propusta, kojim je određeno da ugovorni organ ponuđaču upućuje zahtjev za potvrdu ispravke ponude i može nastaviti sa postupkom sa ispravljenom greškom, pod uslovom da je ponuđač to odobrio u roku koji je predvidio ugovorni organ. Kako su ponuđači u ostavljenom roku prihvatili ispravku računске greške, to njihove ponude nisu odbačene, u smislu člana 68. stav (4) tačka g) Zakona o javnim nabavkama, te je postupak nastavljen, sa ispravljenom računsko greškom.

U skladu sa kriterijem „ekonomski najpovoljnija ponuda“ utvrđena je konačna rang lista ponuđača, kako slijedi u tabeli.

Naziv /ime ponuđača	Ukupan broj bodova
„Hajdić“ d.o.o. Maglaj	100
„Geo put“ d.o.o. Maglaj	99
„Porobić d.o.o. Zavidovići	99
„Dobojputevi“ d.d. Doboj Jug	98

Rangiranje prihvatljivih ponuda prema kriteriju za izbor ponude, je sljedeći:

r/b	Naziv ponuđača	Cijena / KM bez PDV-a	Cijena / KM sa PDV-om
1.	“Hajdić” d.o.o. Maglaj	473.398,00	553.875,66
2.	“Geo put” d.o.o. Maglaj	476.189,50	557.141,72
3.	„Porobić“ d.o.o. Zavidovići	479.197,60	560.661,19
4.	“Dobojputevi” d.d. Doboj Jug	482.583,00	564.622,11

Komisija je sačinila Zapisnik o pregledu i ocijeni ponuda, u kojem je detaljno navela sve informacije relevantne za predmetni postupak, kao i uloženu žalbu od ponuđača „Geo put“ d.o.o. Maglaj od 25.09.2023.godine, kao i preporuku rukovodiocu ugovornog organa da ugovor u predmetnom postupku dodijeli ponuđaču “Hajdić“ d.o.o. Maglaj.

Na osnovu svega izloženog, a u skladu sa članom 100. stav (3) Zakona o javnim nabavkama BiH, („Službeni glasnik BiH“, broj 39/14 i 59/22), kojim je utvrđeno da „Ako je žalba blagovremena, dopuštena i izjavljena od ovlaštenog lica lica koje ima aktivnu legitimaciju, ugovorni organ, razmatrajući žalbu, može utvrditi da je ona djelimično ili u cjelini osnovana i svojim rješenjem ispraviti radnju, preduzeti činjenice, izmjeniti i/ili dopuniti tendersku dokumentaciju ili može postojeću odluku ili rješenje staviti van snage i zamjeniti je drugom odlukom ili rješenjem, ... te o tome obavijestiti učesnike u postupku javne nabavke na način određen ovim zakonom, u roku od pet dana od dana prijema žalbe“, odlučeno je kao u dispozitivu ove odluke

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić

